

傷寒指掌卷一

歸安吳貞安原本

元和陸懋修九芝重訂

類傷寒辨

凡感四時六淫之邪而病身熱者今人悉以傷寒名之是傷寒者熱病之總名也其因於寒者自是正病若夫因暑因濕因燥因風因六淫之兼氣或非時之戾氣發為風溫濕溫溫病寒疫等症皆類傷寒耳病熱雖同所因各異不可概以傷寒法治之且傷寒正病絕少類病尤多苟不辨明未免有毫釐千里之差準繩獨以類症弁諸首亦以辨症為先務也用倣其意首歷類症凡同傷寒之例而治者十一症不同者八症共一十九症庶臨症者得其先務云

冬溫 春溫 寒疫 熱病 濕溫 風溫 霍亂 痧 濕痺 風濕

中暍

傷食 痰 腳氣 內癱 虛煩 蓄血 黃耳 赤胸

自霜降以後天氣寒冷感之而病者傷寒也

歸安吳貞安原本

元和陸懋修九芝重訂
松江李林馥詳校

傷寒指掌

上海鴻寶齋書局石印



北京中醫藥大學圖書館藏
353

中華民國七年秋月



上海鴻寶齋書局



僕少多疾病薄弱無能遂究心於醫以求衛生之道無如質性愚魯醫理深奧
曾將仲景傷寒反復研求不得其旨用旁索諸家之書以求其理惟準經義集
諸賢之大成非操明敏之資不能邇流窮源餘皆獨抒所見別開徑實不無與
聖訓相悖謬徒滋心中之蠱惑迨觀方中行之條辨喻嘉言之尚論雖彼此互
異均可謂獨出心裁發明古訓至掃叔和之偽明仲景之真不使魚目混珠誠
砭亂玉非嘉言慧眼靈心誰能及此更閱柯韻伯之來蘇集王晉三之古方證
尤能得仲景之深心重開生面故其發明方義兩賢如出一揆至若辨六日傳
經之妄闢三方鼎力之謬改服麻桂于太陽未輟之前移三白散于太陰誤下
之後千古疑團一朝打破又謂仲景傷寒已兼六氣六經主病已該雜症非專
指傷寒立言柯以前孰能指出厥旨金劉河間叔李人也擾攘之世炎火統運
見仲景傷寒每詳于寒而畧於溫特著醫書四種其直格一書每多發明溫熱
之理惜雜于正傷寒內在乎明眼擇取厥後紺珠一書亦宗河間之法但以雙
解散用代麻黃桂枝湯等以治傷寒則竟以傷寒為溫熱矣不知仲景麻黃桂枝

等湯原治傷寒河間雙解通聖等法原治溫熱兩不相侔不可移易一經施
禍如反掌嗟乎寒溫之別判若天淵寒溫之治反如冰炭何朦混若此類
載薛生白諸先生出見世之傷寒正病絕少類症殊多寒症絕少熱病殊多
人誤以傷寒正法施治乃作溫熱暑疫全書濟世夫溫熱暑疫皆熱病也其云
傷寒自表達裏溫熱自內發外溫病發于少陽熱病發于陽明仲景著大陽治
少陽溫病白虎湯治陽明熱病並非傷寒之方此真發前人所未發其覺迷救
世之功誠非淺尠近又出傷寒第一書云仲景傷寒治分九州此書專主揚州
分野雖其說不足憑信然觀其用藥遠熱投涼以透斑解毒為主亦治溫熱之
良法也第求其六經之治未免寡陋獨葉天士先生所留治案每寓傷寒于六
氣之中妙法精義無不畢備其云仲景傷寒先分六經河間溫熱須究三焦此
即先生分治寒溫之大法明示人不可以足經之藥混治手經之症只此二論
已得傷寒之肯綮世人不察反憾葉案無傷寒甚矣傷寒之難明也僕自矜管
窺之見一割之能述六經本病一卷變病類病一卷先古法次新法古法悉本
準繩金鑑選註來蘇集之註釋新法則參葉案第一書溫熱全書之治焉書成

非敢出而問世姑存之以就有道之政云爾
嘉慶元年仲秋吉日茗南吳貞安氏識



傷寒指掌序

上古之人稟天地渾穆之氣以生壽永而無病中古自軒轅氏嘗百草分經路始知有藥有病岐伯氏通脉理辨病因始知有醫聖人懼後世疾痼而不求治則著靈樞素問內經諸書以垂世後人宗之代有名醫各有著論隨時施治無非救世之苦心然而病情多端其變幻叵測而速於死者莫如傷寒二症藥一悞投病不可挽諸名家述傷寒略而不周惟張仲景先生定一百十三方治分六經可謂該之後學悞以類傷寒作正傷寒治而不分手足無怪乎病之淺者深深者危危者莫救浙西吳貞安先生親炙吳中葉天士薛生白兩先生深探傷寒之秘旨應世三十年凡傷寒一症在經治經杜傳經之漸無論虛實數劑而愈使病者不傷元氣易痊真仁心妙手聞之耳熱先生安於家不肯輕出余羈職守南朔間隔徒忻慕焉乃弟友石輯先生平日所著書為四卷名之曰傷寒指掌北來就正於余并囑序余讀其自序觀其門類及論症用藥處方分條析理古今來治傷寒之法莫能逾其範圍知先生得力於仲景者深矣而前後條辨諸書胥成渣滓余樂為之序以共世也學者獲此卷之循序而進以治傷

寒分六經之法治雜症無不應手以盡其妙豈獨治傷寒一症哉時

嘉慶十有二年歲次丁卯中秋

太醫院使花映墀拜題



南京中醫藥大學圖書館版權所

傷寒指掌卷之一

類傷寒辨共十九症

冬溫 春溫 寒疫 熱病 濕溫 風溫 霍亂 瘧

風濕 中暍 以上十一症同傷寒施治 傷食 痰 腳氣

虛煩 蓄血 黃耳 赤胸 以上八症不同傷寒施治

察舌法

部位 形色 察舌辨症歌

察目法

六經病

大陽總要述古

表實無汗麻黃湯

內熱煩燥大青龍湯

熱喘麻杏甘石湯

項背強葛根湯

表虛自汗桂枝湯

內熱咳嗽小青龍湯

寒喘桂枝加厚朴杏仁湯

水蓄膀胱五苓散



南京中醫藥大學圖書館藏

如瘧無汗桂枝麻黃各半湯

有汗桂枝二麻黃湯

熱多寒少桂枝二越婢一湯

瘀熱發黃麻黃連翹小豆湯

太陽本病述古

發熱惡寒

惡風

頭痛

項強

體痛

太陽兼經新法

太陽陽明

太陽少陽

太陽兼肝

太陽太陰

太陽少陰

陽明總要述古

外邪表實麻黃湯

外邪表虛桂枝湯

陽明內熱表症

上焦栀子豉湯

中焦白虎湯

下焦猪苓湯

胸有寒邪瓜蒂湯

陽明腑病實熱裏症

急下大承氣湯

和胃緩下小承氣湯

潤燥緩下調胃承氣湯

鬱熱發黃茵陳蒿湯

陽明本病述古

不大便

自汗

不眠

頭汗出

手足汗

潮熱

讖語

狂亂

循衣摸床

渴



陽明新法

陽明內熱引發

陽明血分熱病

陽明氣分熱病



南京中醫藥大學圖書館版權所有

傷寒指掌卷一

歸安吳貞安原本

元和陸懋修九芝重訂

類傷寒辨

凡感四時六淫之邪而病身熱者今人悉以傷寒名之是傷寒者熱病之總名也其因於寒者自是正病若夫因暑因濕因燥因風因六淫之兼氣或非時之戾氣發為風溫濕溫溫病寒疫等症皆類傷寒耳病熱雖同所因各異不可概以傷寒法治之且傷寒正病絕少類病尤多苟不辨明未免有毫釐千里之差準繩獨以類症弁諸首亦以辨症為先務也用倣其意首歷類症凡同傷寒之例而治者十一症不同者八症共一十九症庶臨症者得其先務云

冬溫 春溫 寒疫 熱病 濕溫 風溫 霍亂 痧 濕痺 風濕

中暍

傷食 痰 腳氣 內癱 虛煩 蓄血 黃耳 赤胸

自霜降以後天氣寒冷感之而病者傷寒也

霜降以後當寒不寒乃更溫暖因而衣被單薄以致感寒而病者冬溫也

春時天道和暖有人壯熱口渴而不惡寒者溫病也以辛溫藥汗之則壞矣

若天令尚寒冰雪未解感寒而病者亦傷寒也

三月以後八月以前天道或有暴寒感之而病者時行寒疫也

此寒疫亦傷寒也
不得以時疫論之

夏至以後時令炎熱有人壯熱口渴而不惡寒者熱病也

熱病中暑相似但熱病脉盛中暑脉虛

夏月有病頭痛譫語自汗身不甚熱兩脛逆冷四肢沉重胸腹滿而渴者濕溫也其人常傷於濕因而中暑濕熱相搏故發此病不可發汗

頭痛身熱自汗與傷寒同而脉尺寸俱浮身重默默但欲眠鼻鼾語言難出四肢不收者風溫也不可發汗

病嘔吐而腹痛泄瀉惡寒發熱或吐或利而發熱者霍亂也

身熱足寒頭項強急惡寒時或頭熱面赤目赤獨頭搖卒口禁背反張者瘧也

太陽病發熱無汗反惡寒者為剛瘧發熱汗出不惡寒者為柔瘧

太陽病關節痛而煩脉沉而細此名濕痺其候小便不利大便反快但當利其



小便

病者一身盡痛發熱日晡劇脉浮而濡額上微汗不欲去衣被或四肢浮腫此風濕也不可大汗若汗出風去濕不去但令凝凝似欲汗出者風濕俱去矣太陽中熱喝是也發熱惡寒身重而痛汗出而渴脉微弱

以上十一症同傷寒施治

頭痛發熱與傷寒同而身不痛右關短滑左脉和平者傷食也中脘必痞悶亦有停食兼感寒者人迎氣口脉俱大 憎寒發熱惡風自汗胸滿氣上衝咽不得息與傷寒相似而頭不痛或時痛時止其脉緊而不大者痙也痙在上焦則寸口脉沉滑或沉伏痙在中焦則右關脉滑大有氣鬱則沉而滑夾食則短而滑凡脉弦滑者有痰飲偏弦者主飲沉弦者有懸飲內痛發熱憎寒頭痛肢節痛嘔惡與傷寒相似而痛起自脚脚膝腫痛兩脛腫滿或枯細大便堅者脚氣也

脉浮數發熱灑淅惡寒若有痛處飲食如常者內癰也胸中隱隱作痛振寒脉數咽乾不渴口中咳時腥出濁唾星臭久而吐膿者肺癰也小腹腫

一作重

皮急



按之痛便數如淋久必便膿血時時汗出復惡寒脉滑而數者腸癰也胃脘隱隱而痛手不可近胃脉沉細人迎急而盛者胃脘癰也

煩熱與傷寒相似而脉不浮緊頭不疼身不痛不惡寒或煩時頭亦痛煩止而痛止者虛煩也

發熱如傷寒而其人有所從高墜下顛撲損傷或盛怒叫呼或強力負重內損而病小便自利口不甚渴按胸脇臍腹間有痛處或手不可近者蓄血也

發熱惡寒脊強背直有似瘞狀耳中策策作痛者黃耳也此屬太陽風入腎經以荊防敗毒散加蟬脫黃芩赤芍紫荊皮寒邪重者以小續命湯加白附天虫

天麻 外治法用苦參磨水滴耳中

發熱惡寒頭痛似傷寒而胸膈赤腫疼痛者赤胸也屬少陽風熱以荊防敗毒

散加芩連瓜薑元參赤芍升麻紫荊皮大便燥實加大黃 外治法用三稜針

刺其血則腫消痛止矣

黃耳赤胸出傷寒奧旨

以上八症不同傷寒施治

按傷寒類症雖多惟溫熱關於傷寒尤重以今之傷寒大半屬于溫熱也且治

法與傷寒不侔傷寒入足經而溫邪兼入手經傷寒宜表而溫邪忌汗傷寒藥宜辛溫而溫邪藥宜辛涼苟不辨明必為誤治故前集特參以溫熱立論而以溫熱之法為兼治焉凡列于太陽症內是傷寒正病而立于陽明少陽經中其症都兼溫熱蓋少陽木火之原陽明濕熱之藪其風溫溫熱之邪自是同氣之感他如霍亂腳氣等症法治各備本門

察舌辨症法

病之經絡臟腑營衛氣血表裡陰陽寒熱虛實畢形於舌故辨症以舌為主而以脉兼參之此要法也茲將舌之部位形色詳列於左實臨症者之金鑒焉

部位

滿舌屬胃 中心亦屬胃 舌尖屬心 舌根屬腎 兩旁屬肝胆 四畔屬

脾又舌尖屬上脘 舌中屬中脘 舌根屬下脘

形色

白胎肺經 絳胎心經 黃胎胃經 鮮紅胆經 黑胎脾經 紫色腎經

焦紫起刺肝經 青滑肝經



白胎肺經

候衛分氣分之表邪也

肺屬金故白胎應肺

肺主衛主氣主皮毛風寒先入

皮毛內應乎肺又太陽主一身之表故肺家之邪即可以候太陽之表仲景

麻黃湯亦瀉肺分之邪也舌無胎而潤或微白而薄者風寒也外症必惡寒

發熱而口不渴宜溫散之舌胎白而燥刺者溫邪也外症必凝寒即發熱不

已此邪在太陰手經宜涼散之忌足經辛溫藥舌白而粘膩者邪在於氣

分也外症必發熱頭重身痛而口不渴宜解肌去濕如桂枝秦艽羌活紫蘇

二陳二苓之類

肺分雖兼太陽惟寒邪可用足經辛溫藥若風溫入肺症見發熱口渴咳嗽

喉痛舌胎白燥或白兼邊紅治宜輕清涼解肺經如梔豉桑杏薑皮象貝前

胡蘇子黃芩桔梗之類

絳胎心經

候營分血分之溫熱也

心屬火故絳色應心絳深紅色

心主營主血舌胎絳燥邪已入營中宜清絡中之熱血分之火忌用氣分藥

凡溫邪從口鼻吸入上焦心肺先受如舌胎先白後紅者邪先入氣分後入

營分也如初起舌即絳色者邪不入氣分而營分也宜清解營入分之熱犀

四